



22165

Mag. Si. Dr. P

Castellanus vicennensis

*Niespodkowiec Ambrosii. Fortunatus per
mundi mare ad terras viventium
in gentilitia navi Hajsetus.*

PANEG. et VITAE

Polon. Fol.

№ 1473.



FORTVNATVS 39.
Per mundi mare, ad terram
Viventium,
IN GENTILITIA NAVI
TRAIECTVS,

Illustrissimi, & Excellentissimi Domini,
D. CONSTANTINI
TOMICKI,
Castellani Vielunensis;

Dum illi,
Post enavigatum Vitæ labentis oceanum,
Iacta in Portum æternitatis anchorâ,
In Clari Montis Basilica Fratrum Ordinis
S. PAVLI Primi Eremitæ,
Depositis Mortalitatis Exuvijs,
In Lectissima, & Inclytissima Hospitum
Illustrissimorum frequentia,
Anno Dñi. 1684. Die 24. Octobris,
Iusta perfolverentur;
Inter Mortualis apparatus illustres umbras,
Superiorum Permissu.
In Decade Symbolorum adumbratus

Per
Fratrem AMBROSIVM NIESZPORKOWITZ,
Ordinis S. PAVLI Primi Eremitæ Professum.

C R A C O V I A,

Ex Officina Francisci Cezary, S. R. M. Necnon Illustr. ac
Rñdis. Dñi. Episc. Crac. Ducis Severiæ, Typogr.

IN STEMMA ILLVSTRISSIMÆ
VALEVSCIORVM
DOMVS.



22165 III

HOc etiam tempore (*Anno mundi 325.*) ab A-
dam, Seth & hujus stirpis nepotibus duæ
Tabulæ, vel COLVMNÆ factæ, una ahenea,
(juxta alios lapidea, sive marmorea) contra a-
quæ eluviones, altera lateritia contra ignis con-
flagrationes, in quibus Literales Artes, præser-
tim doctrina de DEO, & Mathematicæ. In
earum altera, promissionem de semine id est
Christo, Adæ factam cælatam scribunt. *Gene-
brardus tomo 1. Adæ Seculo.*

PERILLVSTRI ac MAGNIFICO DOMINO,
D. STANISLAO
WALEWSKI,
VEXILLIFERO SIRADIENSI,
Domino ac Patrono Colendissimo,
Vitam, & Felicitatem.



Ræuiam, eamq̃ fatidicam benevolentie Tuæ conciliatricem ad Te dirigo n AVE in puppi, proraq̃ carentem Perillustris ac Magnifice Domine, collectam Illustrissimi, & Excellentissimi Domini CONSTANTINI TOMICKI, Castellani Vielunensis, post enavigatum mortalitatis ejus oceanum, Classẽ, ad Gentilitiam Tuam religaturus Columnam. Ultra Calpen, & Abylam columnas Hercules, apud Te quasitum illi præsidium, quo congenita Tua Comitatus, & Humanitas, Gratiarum, ac scientiarum coronata choro provocabat, amicam datura stationem, & fauorem. Vel ex eo potissimum ad Te pertinere hic congestam ornamentorum suppellectilem arbitraberis, quod eam in Illustrissimi Senatoris Domo adamaveris, & Gentilijs Tuis splendoribus, cumula veris, in vitæ individuum societatem Filiam eius Mariannam Tomicka, pretiosam, Domus Inclutissimæ Gemmam, & Gratiā assumendo; atq̃ ideo cum Te tanti Patris non pudet, quin ornat, esse Generum, & huic pagina Patronum, & Amicum fieri, non pigebit. Favetis illi, ut Literatorum sapiens, & Literarum arbiter, qui Liberalibus disciplinis, rerum experientia, variarum scientiarum & Lingvarum apud exteros comparata notitiā tersissimum limando iudicium, & ingenium, ad sublimioris sapientiæ arcana pervasisti, quæ ut, orbis Sarmatici legantur oculis Gentilitiæ Columnæ, veluti adamantinis tabulis inarasti. Erexerat olim, tertio mundi seculo, Sanctior Adami Sethique progenies abeneam, contra undarum eluviones, lateritiā contra injurias ignis Columnas, in quibus liberales artes præsertim doctrina de DEO, & disciplinis Mathematicis, tum de semine, id est Christo Adæ facta promissio, celata fuit, ut si aut de cælo ultor ignis peccata Gygantum puniturus descenderet, in latentia superstite Columna, traditionis non interiret notitiā; aut si undarum illuvies orbem mergeret, characteribus notatæ non obliterarentur scientiæ: Certè non æneam aut marmoream, adamanti nam Gentilitiam Columnam nec flammis aut ferro, nec undis obnoxiam, tam vetusta mihi figuravit traditio, in qua Liberalium artium, Humaniorum, ac severiorum scientiarum monumenta, Legum statuta, Prudentiæ ac Sapientiæ specimina, totamq̃

Humanarum ac Divinarum Scientiarum Encyclopediam exaravit, callavitq; profundè Illustrissimæ Domus Tuæ Genius, & ingenium, ut illam omnis in Te fateatur, qui Te in Regni Tribunalibus Deputatum, Iudicem, decernentem æqua, discernentem dubia, discutiētem ambigua; ac Oracula sapientiæ pandentem audit, aut in Generalibus Regni, particularibus Palatinatum, Terrarumq; Comitij salutaria, ex prudentiæ dictamine promentem consilia vidit. Non satis est exarata hic, suorum diademate coronata legere sapientiæ monumenta. Et Fortitudinis trophæi Gentili Columna oculis usurpanda adjecisti, cum alias sæpius, tum in Chotimensibus campis contra superbam Orientis Tyrannorum colluviem, primarum cohortium Ductor, adverso in omnem fortunam pectore, impigrè processisti, ut pro Aris, & Focus pugnando Te legitimum virtutis VALEVSCIAE Heredem Orthodoxæ Fidei non degenerem Filium, Civem Patriæ fidelem probares, aut si ita cœli tulissent placita, DEO, Patriæ, Domuiq; Tuæ purpuratus, ac cœlestibus coronis inaugurandus Victor, vitæ, sanguineq; litares. Quam pulchro in Te fœderantur nexu TOMICIORVM, ac VALEVSCIORVM Domus Illustrissimæ, ideo neq; hic separari debuerunt. Admitte ad Columnam Tuam Stationem, quin & amicam Tuam expetentem manum hanc paginam, Manum illam nunquam otiosam fortem in bello in pace liberalem; Manum illam quam sacris matrimonialibus vinculis inservisti, ut ex utraq; Illustrissima Domo, Sancta Patrum Sanctorum propago surgens, vobis in seris Nepotibus vitæ perennitatem prorogaret. Quod cum in præsentis opusculi Prophasi exopto, obsequia mea & Religiosa ad Illustrissimæ Domus Tuæ, Tuumq; cultum, & Venerationem obstringo.

Perillustris ac Magnificæ
Dominationis Tuæ,

Honoris Studiofissimus
Exorator,

Fr. AMBROSIUS NIESZPORKOWITZ,
Ordinis S. PAULI Primi Eremitæ
Profess.



Fortunati per mundi mare ad ter-
ram viuentium In Gentilitia Naui

TRAIECTVS,

Illustrissimi & Excellentissimi Domini,

D. CONSTANTINI
TOMICKI,

Castellani Vielunensis.

SYMBOLVM I.

Illustrissimæ & Inclytissimæ Tomicianæ
Domûs

CLARITVDINI.

Actuarium maius, per mare vastum vndiq; tenebris co-
opertum, Genius Illustrissimæ Tomicianæ Domûs as-
sidens gubernaculo, in altum promouet, quod trinis,
in malo, puppi, proraq; fulgens luminibus vmbas circumfu-
sas dissipat.

Lemma:

Proprio de Lumine fulget.

ACCOMMODATVM.

Fuit obseruatum Lumen in Prætoria Naui, quod cætera Classis profe-
quitur, spectatissimum insigne noctu fuisse. Scipio in Affricam trans-
missurus velis in altum datis singula rostrata naui, Prætoria tria lumina
dedit. Alex. ab Alex. Dierum Genialium Lib. 4. c. 2.

LAMPADOPHORIA.

Accendite Lumina,

Cùm ad mundi vesperam atra nox incubet

B

Incly-

Inclutissimi Tomicianæ Illustrissimæ Domûs Heredes
In fulgente auro, natalium, virtutumque explicate
Soles, Oneraria;

Quo Vos ad Regionem Lucis, veluti Filiorum Lucis
Patriam, pertinere doceatis,

Fulgetis in Patrij cœli firmamento

Virtutum, meritorum, Dignitatumq; luminibus,
Nec in consortium fatuos admittitis ignes, & phenomēna
Quæ tam diu ludunt & illudunt, dum blandiuntur, spectato-
rum oculos,

Dum ministrat alimentum fortuna.

Addit & ex mortualibus vmbri fulgorem

Illustrissimus & Excellentissimus Dominus,

D. CONSTANTINVS TOMICKI

Castellanus Vielunensis,

Hic in Ludo Lampadophorio Luce servata ad vitæ
metam, Victor,

Natalium claritudinem, quam in primo ætatis flore

Patriarum, & Externarum Disciplinarum notitia,
Politica, Philosophica, scientiæ peritia cumulaverat,

Citra omnem labem, ac umbram servavit.

Huc Illustrissimæ Myszkowsiorum Aquilæ, dum plena lucem
illibatam, hauriunt palpebra

Respicentes, cum magnanimi Leonis, Crucisq; splendoribus
properantes

In Gentilitia solea firmam stationem fixerunt

Dum Te,

Illustrissima & Excellentissima D.

AGNES DE MIROW MYSZKOWSKA,

In Lectissimam, & Dilectissimam Consortem

Sacris Matrimonij fœderibus sibi copulavit,

Tot conspirantibus in unam Claritudinem solibus

Cœlis terrisq; infulget illustrior

Gentilitia Tomiciorum Navis,

Quæ Virtutum ornamentis plena, monstrat,

Quod secum ubique nullo inquinatam nævo

Suæ Serenitatis pharum vehat.

In alto mortalitatis mari tanta Lux

Mortis atro turbine circumfusa, & Cinere,

Sub cinere mortalitatis, fulgorem, & ardorem fouet,

Cum ei summa nox, æternæ lucis præuia,

Lumina clausit, non extinxit.

SYM-

SYMBOLVM II.

Illustrissimæ Tomicianæ Domûs RELIGIONI.

Actuarium grandius in cuius medio Ara Coronata, cum varijs virtutum simulacris, sereno cœlo, & mari tranquillo fauente, prosperè nauigat. &c. Genius Coronatus Sacerdotem agit. &c.

Lemma,

Prosperitas ex Præsidibus!

ACCOMMODATVM.

BRuti Narvis Prætoria quo ab alijs dignosceretur, O signum habuisse fertur, tametsi singulæ Naues Deorum Imagines ferrent, sub quorum essent tutela. Alex. ab Alex. Genial. Dier. Lib. 4. cap. 2.

SACRARIVM.

Ne putes in terram tantum Numinibus posse fundari Lararia
Et in hac Gentilitia Naui coli amant,
Quam fecerunt virtutes Sacrariam.
Viros, virtutes animatas crede,
Illum ad meliorem vitam Prometheum animatorem habuerunt,
quem Religionis amatorem,
Non monstra, non idola vehit,
Quæ tantum ornari, adorari, orariq; ament,
Sed Virtutes, Præsides, & Præsidium.
Venerationem illis tribue, ne impius,
Præconium, ne invidus,
Amorem, ne improbus audias.
Feliciter vos provehitis, quam cum sua Fortuna Cæsar
Stirpis Tomicianæ Illustrissimi Nepotes!
Præiuit in virtutum comitatu
Illustrissimus Vielunensis Castellanus,
In cuius peraugusto pectore suum Religio consecrauit Pantheon,
Quo factum ut ejusdem Magistræ secutus dictamina,
Templis varijs nitorem, Apparatu Eclesiastico augmentum & decorem, superis cultum,
Laboribus, sumptibus, conatibus, deuotionis exemplis, tantæ virtutis Alumnus promoueret,
Vnde tantopere sibi devinctum,

Postquam in Hospitio vitæ mortalis benè de se exulem
mereri docuit
Cœli Civem fecit.

SYMBOLVM III.

Illustrissimæ Tomicianæ Domûs
FORTITVDINI.

Navigium in quo Herodès, cataphracti milites, tormen-
ta, vexilla, & omnis bellica ordinatissima supellex, con-
tra Piratarum imminentem Classẽ panis carbasis proce-
dens &c. &c.

Lemma.

Non capit imbelles!

ACCOMMODATVM.

Naves sunt maximæ, septem aliquando subordinatas habent mansi-
ones, aliquas vidi quolibet Gallione maximo duplo maiores, ordi-
nariè sexaginta tormenta bellica maiora deferunt: quando in Indias pro-
ficiscuntur, mille aut circiter homines vehunt, tam nautas, quàm mili-
tes in India mansuros: potius ibi videtur Ciuitas, quàm Navis. Philip-
pus à SSma Trinitate Carmel. Discalc. Itinerarij Orient. Lib. 5.
cap. 2. fol. 233.

NAVMACHIA.

Animos durate adamante, & Pectora

Navis Tomicianæ Heroes!

Dum per mundi mare

Mors, & Mars,

Dolus & Fortuna,

Omniumq; vitiorum foederatæ cohortes.

Piraticam exercent.

Sed tot obvia hostium portenta svti vincere,

Vt Fortitudinem vestram victorijs probaretis,

Mortem & Martem,

Triumphali gloriæ ancillari fecistis.

Norunt Chotimenses in Polonia, Vieneses in Austria,

Strigonienses in Pannonia campi,

Hujus Gentilitiæ Navis Heroum auxilia,

Quæ dum Orientis detonantem armorum procellam retundit,

Gloriæ,

Gloriæ, Victoriæ, Triumphiq; æternam mercem revehit
 Tot Fortitudinis Maiorum specimina,
 Proprijs exemplis auxisti,
 Illustrissime Heros Constantine Tomicki
 Castellane Vielunensis,
 Armorum Victor, & Animorum.
 Dum par magno, sibiq; semper constanti
 Nomini, & animo subservit constantia
 In Martis acie, & stadio virtutis
 In bellis pro Religione, Patriaq; gestis imperteritam,
 In Senaculis, inviolatam
 Fortitudinem demonstrasti.
 Et hoc maximum supremæ Fortitudinis argumentum est.
 Pro DEO, Rege, & Patria,
 Bellis manum, caput, & pectus;
 Animum pro Iustitia fraudum, ac affectuum præstigijs objecisse.
 Post partam hac virtute gloriam, vt fortis cecidit,
 Non tamen labefactatum putes, quem per mortalitatis contemptum,
 ad immortalitatem eluctatum credis.
 Non otiosâ Fortitudo, quæ prensât victorias.
 Non vana Victoria, quæ triumphum canit,
 Vtrumq; habet dum triumphat,
 Quod vitam in mortis Piratica.
 Non amisit, sed mutavit.

SYMBOLVM IV.

Illustrissimæ Tomicianæ Domûs
 GLORIÆ.

I Ason cum Heroibus nauigat Colchis cum aureo vellere
 &c. Argo loquax, &c. Columba præuolat Heroû Dux &c.

Lemma.
 Merces pretiosa laboris.

ACCOMMODATVM.

A Rgo dicitur fuisse prima Nauium, quâ Iason Tiphys, Castor &
 Pollux, & alij (quos inde Argonautas dicimus) profecti sunt Col-
 chos ad rapiendum vellus Aureum. Hanc Nauem Poëta multis ornant
 Epithetis; vocant imprimis fatidicam, & loquaculam, quod beneficio
 Minervæ facta sit ex quercu Dodonæa, quam Sophocles ait non tantum
 fuisse

*fuisse verbosam, at etiam futuri præsagam, ut in periculis Argonautas
moneret. Theatrum Philosoph: Raulij Text. Lib: 4. cap. 75.*

*Tradunt gentiles Heròes Argonautas columbâ quasi duce itineris
vfos. Cornel. à Lap: in cap. 60. Isaia.*

CELEVSMA.

Virtus otari nescia, non tantum partis incubat.

Maiores inhiat, quærit, & audet,

Vbi vrget pulchra gloriæ cupido.

Mercès laborum Gloria, Vellus aureum est.

Hæc Reges initiat, & Principes,

Si Duce Supremo Spiritu cum cœlesti fœderatur vt
pedisequa, quæ terrenis eminebat vt Domina.

Canite Celeusina Argo Tomicianæ lasones,

Qui Virtutum prouentibus, meritis, vt Aureo gloriæ
immortalis vellere Classẽ impleuistis.

Fatidica spernitis Dodonæa robora,

Virtutis honestique secuti dictamina!

In vna Vobiscum Classe, quæsiuit

hunc laborum fructum, gloriam,

Iasone Tiphysque generosior

Illustrissimus Constantinus Tomicki Castellanus Vielunensis.

Non ideò minus gloriosior, quòd Vobis partem reliquerit,

Cui eandem non relinquere fuisset in gloriam.

In Honorem Senatori suo seruiuit Innocens terræ Vielunensis Agnus,

Qui generositate leonibus, & pardis antecellens,

Lanam illi in vellus, etiam aureum tulit.

Suapte indole grauem, maturum, Virtutibus meritisque plenum,

Cum Argo gentili non pressit fortunæ sequioris procella

Quia suauiter nauigat, cui fauonios cœlum adspirat:

Ità cum Honorum, prouentibus naufragari

in mortalitatis mari non debuit

Qui mortalis, in cœlo immortalitatis

sibi portum præfixit.

SYMBOLVM V.

Illustrissimæ Tomicianæ Domûs

PRVDENTIÆ.

V Lysses cum socijs nauigat. Scillam, & Charybdim
præter-

præternavigavit magnâ vsus prudentiâ &c. Hinc Quasi Vi-
ctores Classem, & capita diadematibus coronant: &c.

Lemma:

Seruat sapientia tutos.

ACCOMMODATVM.

DEmonstrarunt antiqui quod in Ethicis scribit Aristoteles, Virtu-
tem esse mediam inter duo extrema, quorum extremorum utrumq;
est vitium. Nam cum ex altera parte Scylla, & altera Charybdis gra-
uissima monstra in Siculo mari nauigantibus sint deuitanda mediumq; in-
ter utrumq; tenendum, is tandem incolumis euadit, qui neutram in
partem magis declinauerit. Cum enim vita mortalium sit tanquam
longa nauigatio, in qua permultæ occurrunt difficultates, multaq; va-
riorum monstrorum illecebra, neq; difficultatibus, neq; illecebris ceden-
dum est, sed omnibus moderatio adhibenda. Theatr. Philos. Rarus:
Text: Lib. 8

ELOGIUM.

Errantibus & Illustrissimos comparaueris sideribus
Quos humanæ vitæ sapientia Dux non gubernat.
Minus est alijs, natalium splendoribus, antecellere,
Si ignauæ mentis cœcitatem Sapientia non illustrat.
Calligant absque hac luce Serenitates,
Et in vita noctes numerant non Soles.
Quàm pulchra lucis ambitio,
Vel à peregrino sole illustrari voluisse.
Ad Vestræ laudis pertinet plenitudinem
Illustrissima Sarmatici Orbis Lumina Tomicij,
Quòd ad Sapientiam comparandam sub sole peregrino
terrarum peruagati spatia,
Eas ad eruditionem illustrissimi Vestri Genij
Academias, Stoas, & Palæstras inuistis,
Quæ Vos ad Magna Patriæ solatia & auxilia
Formarent & informarent.
Vt in Vobis sua Polonus haberet Orbis,
In terrarum Regnique Comitij,
Oracula, Sapientiæ, & Miracula,
Quibus authoritas Legum defendi
Bonum publicum promoueri posset.
Redis iterum, in sapientiæ laudem,
Illustrissime Castellane Vielunensis.

Cum Te Senacula Comitiorum Consum Sarmatiæ experta sunt,
Publicis admouerunt functionibus, quod priuata postponentem
viderunt:

Post Dignitatem Siradiensis Dapiferi,
Iudex terræ Vielunensis constitutus,
Ea rerum momenta ponderabas prudentia
Quam aut priuati boni, aut affectuum respectus
in obliquum detorquere non potest.
In Areopago quoque Poloniæ, seu Tribunalibus,
Sapientia suffragabatur iustitiæ,
Quæ cum doceat vnicuique reddere quod suum est,
Ne in tam arduo munere in te ipsum iniurius esse videreris,
A te ipso auspicabaris iustitiam,
E tot honorati laboris functionibus meritorum
prouentus comparando.
Maximum animi Sapientiâ, ac Prudentiâ politissimi, iudicijque,
rerum experienciâ limatissimi argumentum fuit,
Suscepta, pro Ecclesiæ Patriæque bono,
bina in Moschuam Legatio,
In qua Liberalem erga Patriam & Animum & fortunam
vt probares,
Curis & studijs, Laboribus & impendijs non parcebas.
Hoc in Te constantis animi Symbolum,
Ita Te Senatorem egisse, vt quemadmodum anteceden-
tium factus es, imago, sis exemplar futurorum.
Superabat post terrenarum dignitatum curules sublimius
subsellium, quod cum dare terra nequisset,
cælum dedit.

SYMBOLVM VI.

Illustrissimæ Tomicianæ Domûs
FELICITATI.

NAvis redimita coronis. Fortuna in puppi, Genius To-
micianus ferto redimitus una manu tegit gubernacu-
lum; desuper anchoram manus de cælo porrigit,
quam altera Genius tenet; quod doceat consummatam fe-
licitatem Illustrissimæ Domûs è cœlis pendere velle &c.

Lemma:

Superum de munere felix.

AC.

ACCOMMODATVM.

EX antiquorum ritu tutelæ & Deos in puppi Navis consecrabant, ut ea quoddam tanquam sacrarium essent, vel sacellum. Ita initio cursûs velleribus, festa fronde verbenis sextis in Deorum honorem puppes ornabant, ut & alijs. templa ferijs solebant ornare. Lætitia, securitatisq; animi signum est coronare Navem, id enim facere solebant nautæ, cum præsertim aliquo migrarent, ut se aliquid boni consecuturos sperarent. Pontanus Symbolarum Libro 9. ad 4. Æneid: ex Turnebo, & Nascimbano.

A N C H O R A.

Fide! sed Vide!

Alterutrûm perdit; vtrumque salvat!

Vtrumq; in mundi mari. cûm ambiguum est,

Non securum.

Animum in cœlum fige, & Anchoram felicitatis jecisti,

Sed

Qui mortalibus æternam felicitatem decrevit,

Et temporalem quandoq; non negavit;

Quam habuisse, infelicitatis erit.

Nisi in vitæ cursu prospero ad cœlum contendas

Proinde

Felices qui portum æternitatis anhelant;

Feliciores qui attingunt;

Felicissimi qui comprehendunt.

Dicant alij

Quidquid sub cœlo est, non esse omni ex parte beatum,

Aliter judicabit arbiter animus.

Qui in Illustrissima Tomiciana Prosapia

Supernam felicitatem cum terrena, sanctiori

Virtutum vinculo sociatam videt.

Ne tamen rectum virtutis cursum, in terram viventium directum,

sequior vis in transversum agat.

Anchoram, Symbolum felicitatis apud veteres, cœlum dedit.

Ab hac in turbulento mundi mari, pendeat

plena Virtutibus Oneraria.

Illustrissimi D. Constantini Tomicki Castellani Vielunensis.

In quo sublime genus, Fortuna clementior,

Amplitudo Senatoriæ dignitatis, terrenisque rebus

maior animus, tantum eminebat,

Quantum ad prensanda supernæ felicitatis fastigia

sufficere potuit.

D

Abfit

Abſit hinc Troia Palladium,
 Vbi Virtus illius vicem occupans,
 Feliciffimam æternitatem ſpondebat.
 Crede temporalem felicitatem, æternæ ſuffragari poſſe,
 Quam cùm Illuſtriſſimus Senator ambitu glorioſo
 ſupernis inhians, contempſit;
 Non amiſit, ſed præmiſit;
 Et diſce:
 Ex arbitrio tuo æternum felicem, vel infelicem fieri, pendere.

SYMBOLVM VII.

Illuſtriſſimæ Tomicianæ Domûs
 S A N C T I T A T I.

Grandius Actuarium in cujus medio Ara ſacro flagrans
 Igne. Vittatus, veterum Sacerdotum ritu, Myſta He-
 rôës Nauem integram, & maris circumfluentes aquas, un-
 diſ adſpergit luſtrialibus &c.

Lemma.

Lustrantur in undis!

ACCOMMODATVM.

SI Clafſes, naualesq; copia luſtrarentur, diſpoſita claſſe in littore, Aram,
 que mari abluébatur, conſtruere conuenit, in qua Sacerdotes victi-
 mas cæderent, mox circumſtante exercitu, caſam victimam, atq; extra
 per claſſem in littore diſpoſitam, naviculis circumferrent, cum ſolenni
 carmine & precatione Ducibus unâ inſidentibus in ſtaphes, diuiſæ-
 que hoſtiæ partem in mare cum viſceribus projicerent, partem verò flam-
 mus adolereut, eo modo Claſſem luſtrâri, & calamitates depelli opinari.
 Alex. ab Alex. Genial. Dier. Libro 5. cap. 25.

L V S T R A T I O.

Sacra Luſtrationis indixêre Flamines,
 Luſtum publicum ideo temperandum jubent.

Adeſte ſocij Luſtrationi,

Quæ ad Sanctitatem initiat!

Abſit ſuperſtitio, quæ impiat.

Te hic appellat ætus, & dies,

Illuſtriſſimi Tomiciorum propago generis

Magne Senator Conſtantine!

Cujus

Cujus claritudini cū nullam ætas induxit fuliginem,
 Mortalitat̃s conditio pulverem adspersit,
 Dant dolentium, & amantium pupillæ
 Iustas lustratione lacrymas,
 Vel si hæ non suffecerint.
 Illis, à vitæ Fonte gratiarum undas mercantur.
 Meruerunt uberiores illius laticem
 Illustrissimi Aborigenes,
 Cū Temp̃la, & Aras
 Alia fundârunt; nitori pristino restituerunt, alia,
 Aut erogatis impendijs, intendentes cultui Divino sacro-
 rum Ministros cumulârunt,
 Non minus fortes, & victores in acie
 Quàm in senaculis prudentes, just̃i in Tribunalibus,
 Vbique Sanctitatis imaginem præferentes,
 Quam in Te Integerrimæ, ac Incompactæ vitæ Senator,
 Domi, forisq; relucens
 Orbis spectavit sarmaticus.

Sed præcipuè eandem Divinitatis Alumnâ Sanctitatem
 in te spectavit

Tibi quemadmodum electus, dilectusque,
 Ità sæpius devotionis causâ frequentatus

Mons Clarus,

In quo Sanctitatis Increata Matrem veneratus,
 Tenerrimæ conscientiãs anxietates lacrymis poenitentialibus,
 veluti lustralibus undis sæpius expiabas.
 Tam mite ingenium, & indoles suapte naturâ ad Sanctitatem
 prona, tum apud DEVM & cœlites,
 Tum apud Amicos & subditos
 Amorem conciliabat.
 Date gemitus amica Sanctitati pectora,
 Et si ejus Lustrationi lacrymas dare non potestis,
 Vestra date.

SYMBOLVM VIII.

Illustrissimæ Tomicianæ Domûs
 MAGNIFICENTIÆ.

CLasis Onerata pretiosissimis mercibus auro, argento &
 Cad portum appellens sub vesperam. In hac varia vario-
 rum colorum vexilla, in quibus colligatarum cum Illustris-

summa Tomiciorum Domo Familiarum insignia Columnæ,
Aquilæ, Leones Soleæ &c. &c. ex Civitatibus, ad littus ma-
ris vicinioribus, concursus populorum, & occurfus, festivi
accensi ignes & pyræ, &c. &c.

Lemma:

Prodest, dum adest.

ACCOMMODATVM.

Naves Regis ibant in Tharsis cum servis Hiram, semel in annis tri-
bus, & deferebant inde Aurum, Argentum, & Ebur. Magnifica-
tus est igitur Salomon super omnes Reges terræ, præ divitijs & gloria.
Omnesq; Reges terrarum desiderabant videre faciem Salomonis, ut au-
dirent Sapientiam quam dederat DEVS in corde eius: & deferebant
ei munera, vasa argentea, & aurea, & vestes, & arma, & aromata &c.
2. Paralip. cap. 9.

*Magnificentia est rerum magnarum, & excelsarum cum animi am-
pla quadam, & splendida propositione, cogitatio, atq; administratio: id
est executio, ut scilicet amplo proposito administratio non desit. S. Thom.
12. q. 128. Artic. 1. in corp. Magnificentia convenit cum Fortitudine
in hoc, quod sicut fortitudo tendit in aliquod arduum, & difficile, ita
etiam & Magnificentia. Idem ibid. q. 134. artic. 4. in corp.*

THEATRVM.

Huc oculi, qui invidia non lippiunt, livore non cœcutiunt!

Huc animi!

lucundum cœlo terræq; spectaculum,

Opulentum, & amabile

Explicat Illustrissima Tomiciorum Prosapia

Gentilitiam Navim,

Non poma, aut abjecti animi, & ignavi, quisquillas,

Sed pretiosam Sapientiæ, & Fortitudinis mercem,

Quæ ad virtutis Magnificentiae pulchrum nomen subservit.

Non hic veniunt in comparisonem Magnifici,

Cùm magni nihil egerint, nudo sibi & paupere nomine blan-
dientes,

Aurum & Argentum, quo Patriam ornet, ditetque

Hæc Classis vehit,

Viros Magnificentia spectabiles judica,

Qui inæstimabilibus Sapientiæ, & Fortitudinis dotibus,

pretium cùm addunt auro,

Aurea excelsis, & amplissimis cogitatibus, & conatibus

Patriæ

Patriæ secula moliuntur.
Exeste hinc prodigiosi luxûs Monstra,
Caligulæ Navigia & Cleopatrar;

Hic

In amplissimâ Classe Palatia, Hortos, & Pomeria,
pulchrum sordidi luxûs spectaculum condidit,

Illa

In Siciliam navigans, vella purpurea ventis, sericeis nidentes,
Remos argento exornatos, qui percussi ventis, clangorem
tubarum imitarentur, exhibuit,

Infame Ægyptiorum Regum solij probrum

Inter puellarum ni Nympharum formam

Ornatarum choros sub aureo petaso residens,

Aureis circumquaq; fusa thuribulis odoramenta captans,

Omnia in fucum dedit.

Adeò portentosa vanitatis crepundia

Cedunt Gentilitiæ Tomiciorum Onerariæ,

Quæ speciosa, & pretiosa in cælum transmittit merita,

Dum sumptus, liberali animo ad cultûs Diuini
promotionem prodigit.

Accessit ad imitationem Maiorum, & futurorum exemplum

Vir æternitatem meritis complexus,

Petrus Tomicki,

Qui Præmisliensis, Posnaniensis, Cracouiensis Episcopatûs
cathedras, sub tot Insulis cùm Virtutibus Pontificali-

bus exornâset, & Ecclesias pretiosis orna-
mentis auxit.

Non humiles cum illustrissimo sanguine Maiorum imbibit Spiritus.

Illustrissimus Constantinus Tomicki,

Qui in Bonorum suorum Ecclesijs,

In Comitijs & Tribunalibus,

In sublimiorum dignitatum curulibus,

In Pauperes largitionibus,

In Subsidijs, Consilijs, Auxilijs,

Magnificentiae theatrum explicat,

In quo ad cœlum gradum sternit.

SYMBOLVM IX.

Illustrissimæ Tomicianæ Domûs

IN PATRIAM AMORI.

Classis augustior ex qua ad fortalitij præsidium in lit-
E
tore

core maris positum armatorum educuntur copiae totaque
bellica suppellex &c. &c.

Lemma:

Aris devota, Focisque.

ACCOMMODATVM.

QUæ Navis apud Athenienses erat SALVTIS indicium, in Thesei
memoriam coli consueverat, singulisq; annis Delon mittebatur A-
pollini cultum allatura, suscepto olim à Theseo voto huiusmodi, si Ciui-
bus suis unâ secum salvis reversus esset. Eoq; interim tempore quo
Sacerdos Apollinis Navis eius puppim coronaverat, & Delon ea pro-
fecta esset, pelagoq; remeuso in Patriam redisset, cautum erat Atheni-
ensium lege ne quemquam publicè interficerent. Pierius Hieroglyphic.
Lib. 45. cap. 4.

VINCULA.

Et Libertas amat compedes,
Quos DEI Patriæq; amor iniicit;
Nec timet servitutis tam augustæ probrum,
Sic enim servire, regnare est.
In tam dulcia transit vincula
Liberæ Tomicianæ gentis Oneraria,
Quam DEVS & Patria cum amat, captivat;
Cum Dignitatibus ornat, & honorat, coronat.
Honoris, non oneris sunt vincula
Quæ eum Amor cordibus iniicit
Coeli, Patriæque Torquatos facit.
Penderis non ut ab ore Herculis Gallici perorantis,
auribus, alligati ut torquibus,
Sed DEI Patriæque amantis corde, cordibus conclusis,
Ut jam, quod amantium proprium est,
Quod Velle, & Nolle, DEI Patriæque est, sit & vobis idem.
Et quia argumentum amoris est executio operis,
Palam DEO Patriæque fecistis quo apud
Vos DEI cultus, amorque Patriæ loco esset,
Dum varijs occasionibus pro eo aut defendendo,
aut promouendo,
Sumptus & labores prodegistis;
Vitâ vestra potiore probastis,
illam in omnem Martem & Mortem prostituendo.
Parem magno Nomini, in
DEI Patriæque amore, constantiam demonstrasti.
Illustrissi-

Illustrissime Constanti, Senator integerrime,
 Privatus in Consilijs, Publicus in Comitijs,
 Quæ ad DEI cultum debita, ad integritatem Patriæ proficua
 Cogitando, promouendo:
 Et cum acie cum hostibus pugnatum,
 Vel sanguine consignare votum erat.
 Amorem Tibi nunc rependat DEVS,
 sed æternum;
 Amorem Patriæ!
 Quæ cum Te cœlo dederit,
 Absentis vel memoriam amabit.

SYMBOLVM X.

Illustrissimæ Tomicianæ Domûs
 ÆTERNITATI.

Argo in Cœlum inter sidera relata.

Lemma.

Merces æterna laborum!

ACCOMMODATVM.

T Antopere gratam esse Dijs omnem mortalium beneficentiam de-
 monstrabant antiqui, ut inter sidera collocasse memorauerint, Na-
 uim Argon, quia tot Heroas incolumes in Patriam reuexerit. Hanc
 consilio Palladis factam fuisse inquirunt; ut per hoc significarent omnem
 beneficentiam, quæ quidem cum ratione suscipitur gratam esse Dijs im-
 mortalibus, maximeq; laudabilem. &c. Theatr: Philosoph: Rauis:
 Text: Lib. 8.

NAVLM.

Aliorum Naues nouos vestigant orbes, terras, & merces,
 Vestra cœlum.

Illustrissimi Tomicij

Honoratiorem illi dare locum terra non potuit
 Dedit cœlum.

Cum inter siderum phalanges constituit.

Nisi forte enauigatis falsi maris undis

Dulcioribus quæ super cœlos sunt, aquis innatet,

Sed requiem amat, dum portum tenet.

Fortè pretiosiore Noëo & gratiorem cœlis iudicabis Nauigio;
 quod totum tulit orbem,
 Quod ei cœlum non in Armeniæ, Montibus,
 Sed in æternitatis collibus sedem dedit,
 Tot Herodës cœlo, Patriæque bono tulit.
 Si Æneæ Naues mare in Nymphas vertit,
 Tomicianam Argo cùm Domûs Illustrissimæ in Beatitatis
 portum exonerabit merita,
 mutabit in fidus.
 Tanti eam cœlum æstimat,
 Vt terris indignam putet.
 At longè majori cœlis estis in pretio,
 Quod nimis avarum cùm sit
 Animas in Naulum petit.
 Iam Cœlo terrisque Naulum solvit, cùm debitum morta-
 litatis solveret,
 Illustrissimus Senator,
 Terris mortale corpus, quod perdi potuit;
 Cœlis animam immortalem consecrauit.
 Quæ Mundi falsum sulcatis mare,
 Amica pectora,
 Si ei in huius navigationis ærumna cursum felicem precabamini
 In æternitatis beatæ portu gloriam gratulemini.
 Vos appellat, & exorat
 Vltimum dicens Vale
 Illustrissimi, Reverendissimi, Admodùm Reverendi Perillustres,
 Illustres, Magnifici, Reverendi, Omnium Ordinum,
 & Statuum
 Conciues, Cognati, Amici, & Subditi!
 Quotquot ad ultimum obsequium funeralibus adestis
 honoribus,
 Parcite Luctibus & lacrymis,
 Et vos in æternitatis ambiguæ cursu,
 de salute dubios cogitate!
 Et mementote
 Quod communem mortalitatis emensus viam
 Vobis non discessi, sed præiui.

BIBLIOTH. UNIV.



JAGELLONICAE





